





淨空法師 講述

# 善財童子參學報告

財團法人佛陀教育基金會印贈

# 目錄

善財童子參學報告(一)	3
善財童子參學報告(二)	10
善財童子參學報告(三)	14
善財童子參學報告(四)	18
善財童子參學報告(五)	24
善財童子參學報告(六)	30
善財童子參學報告(七)	37
善財童子參學報告(八)	42
善財童子參學報告(九)	47
善財童子參學報告(十)	49
善財童子參學報告(十一)	54
善財童子參學報告(十二)	60

# 善財童子參學報告(一)

一九九八年六月啟講於香港

## 簡介

1. 善財百城詢友。明正為南，方盡南矣。益我為友，人盡友焉。遇三毒而德圓，入一塵而一心淨。

2. 千化不變其慮，萬境順通於道。契文殊之妙智，宛是初心。入普賢之玄門，曾無別體。失其旨也，徒修因於曠劫。得其門也，等諸佛於一朝。

3. 一切諸佛，法爾常轉圓滿無盡法輪。令諸眾生達本還原。窮未來際，無有休息。

4. 諸佛如來，願周法界，行滿剎塵。誓將無盡法門，度盡無邊生界。酬昔行願，廣演法門。

5. 一切有情，皆含佛智。雖皆被機，機有優降，益有淺深。

6. 聞經信力，速能證悟。海水劫火不能為障。凡夫外道闡提，雖聞生謗，墮於惡道。一熏耳識，功不唐捐。終令獲益，乃至成佛。經云：無信眾生不見佛，而佛亦為興義利。

7. 經云：忘失菩提心，修諸善根，魔所攝持。故二千行法，冠之最初。善財求友，先陳發心。有菩提心，是法器故。

8. 菩提心有三種：(1)心體(2)心相(3)心德。

(1)心體又三：

①直心——即是大智無所執著。

②深心——樂修一切善，即四弘誓願等是。

③大悲心——救護一切苦眾生故。

(2)心相：要無齊限。若約悲願，盡度眾生，盡修諸行。於世出世一切法，不取不捨，直趣真實。

(3) 心德：依上發心，一念之德，過於虛空，不可稱量。十方諸佛同共稱讚。

9. 欲見十方一切佛，欲施無盡功德藏，欲滅眾生諸苦惱，宜應速發菩提心。  
10. 一行即一切行，謂一念相應，能頓具故。此心即是佛智，佛智即是無念，無念心體，內外無著，諸過自止。離身心相，寂然不動，了見性空，善達有無，進詣妙覺，是真修習。決斷分明，十度具矣。

11. 諸佛設教，起則有始，用乃無終。一言稱性，斯教無盡。況大慈大願威力護持，令法眼長存，盡眾生界，皆蒙勝益。

12. 聖無常應，應於克誠。心契玄同，故佛加被。要得聖加，方能說故。聽者亦得佛加，加有顯冥。

13. 理本一味，殊途同歸。知理圓言偏，故令亡言得意，是須善體佛意。

14．經云：無一眾生不具如來智慧。又云：一切眾生皆有佛性。凡是有心，定當作佛。

15．照惑無本，即是智體。照體無自，即是證如。

16．經云：法性本空寂，無取亦無見，性空即是佛，不可得思量，若知一切法，體性皆如是，斯人則不為，煩惱所染著。

17．諸佛德用所因，略說五義：

(1) 唯心所現：一切諸法，真心所現。是故一切法無非一心，心無礙故，相隨心轉。

(2) 相唯心現，從緣而生，無有定性，性相俱離。則小大相入，一多、中邊、延促、靜亂，如是等法，相即相入，一一無礙。

(3) 經云，諸法無所依，但從和合起。菩薩善觀緣起法，一中解無量，無量中解一，了彼互生起，當成無所畏。



(4)處夢謂經年，覺乃須臾頃。故時雖無量，攝在一剎那。

(5)能現所現，皆如影像。經云：一切法互為鏡像，如鏡互照，而不壞本相。

18．萬法即是一心，體絕有無，相非生滅。莫尋始終，豈見中邊。為聖智境，而二智不知。唯證所見，而五目亡照。解之則廓爾大悟，迷之則生死無窮。諸佛出世，本欲開示令其悟入於此無障礙法界。

19．能入者，總明即是普賢行願，無所不收。

20．身由心證，心入有三：(1)正信(2)正解(3)正行。此三事亦須圓融。

21．虛心沖融，方見玄妙。能所歷然，能所一相，舉一全收，無礙融通。故曰：唯亡言者可與道合，虛懷者可與理通，冥心者可與真一，遺智者可與聖同。

22．修學當以聖教為龜鏡，以心契為冥符。故曰：以心傳心，不在文字。

23．入法千門，不離定慧。無定無慧，是狂是愚。偏修一門，是漸是近。若並運雙寂，方為正門。成兩足尊，非此不可。

24．解悟謂明了性相。證悟謂心造玄極。修如拂鏡，悟似鏡明。又云：唯證稱悟，信解名修。

25．本具一切佛法，名之為頓。一念具足十度萬行，名之為修。又云，非心非佛，名之為頓。無念無修，名之為修。又云，無漸無頓，名之為頓。無悟不悟，名之為悟。苟若得意，皆成定慧。如失其旨，不成妄想，即墮無記。

26．清涼云：願諸後學，無勇於知，無執於名，無輕於聖，無滯於言，無得自欺，無競說默。

27·佛法雖眾，不出信解行證。此一品經，初三卷為本會，說果法界，如來自入。第四至四十卷為末會，說因法界，菩薩入故。本末雖殊，不思議一也。

28·經有三譯：

(1)東晉安帝，義熙十四年(418)，沙門支法領傳來大經。請北天竺三藏佛陀跋陀羅譯成六十卷(三萬六千頌)。

(2)唐證聖元年(695)，于闐三藏實叉難陀譯成八十卷(四萬五千頌)。

(3)唐德宗貞元十二年(796)，罽賓三藏般若奉詔譯成四十卷，即舊經入法界品。

# 善財童子參學報告（二）

## 釋題

### 壹、經題

#### 大方廣佛華嚴經

- 1．大——當體受名，常遍為義。常則豎無初際，遍則橫該無外。
- 2．方——就法得名，軌持為義。雙持體相，軌生物解。
- 3．廣——從用得名，包博為義。包則廣容，博則廣遍。
- 4．佛——就人得名，覺照為義。照則朗萬法之幽邃，覺則悟大夜之重昏。
- 5．華——從喻得名，感果嚴身為義。感果則萬行圓成，嚴身則眾德備體。
- 6．嚴——功用受名，資莊為義。謂資廣大之體用，莊真應之佛身。
- 7．經——能詮得名，攝持為義。持性相之無盡，攝眾生之無邊。又，諸師常以貫、攝、常、法四義釋之。又有徑義，鏡義。

8．上來所釋，乃至無盡，不離一心。一心即法界。心體即大，心體離念，等虛空故。心之相用即是方廣。觀心起行即是華嚴。覺心性相是名為佛。

9．經云：佛心豈有他，正覺覺世間。覺非外來，全同所覺。故理智不殊，唯一圓覺。若形奪雙亡，則遠離覺所覺。無心亡照，任運寂知，則念念常是大方廣佛華嚴甚深性海。

10．若知觸物皆心，方了心性。故梵行品云：知一切法即心自性。心境如如，平等無礙。心境重重，智照斯在。即心了境界之佛，即境見唯心如來。

11．心佛重重，而本覺性一。皆取之不可得，則心境兩亡。照之不可窮，則理智交徹。

12．心境既爾，境境相望，心心互研，萬化紛綸，皆一致也。唯證相應，名佛華嚴。

## 貳、品題

### 入不思議解脫境界普賢行願品

1．不思議解脫境界，是所入。普賢行願，是能入。入，通能所。

2．心智契合，悟解得證，總名為入。能所契合，泯絕無寄，方為真入。

3．心言罔及，為不思議。有三，一曰事法無邊，廣不思議。二至理玄遠，深不思議。三事理無礙，一多相容，亦深亦廣，為不思議。此三無礙，尤難思議。

4．作用離障，稱為解脫。

5．智造分域，名為境界。有二，一曰分齊境。二曰所知境，此是所入。

6．德周善順，稱曰普賢。總該萬行，行布圓融。隨一一行，皆稱法界。造修希求，目為行願，是為能入。

7．別說普義，略有其十，以顯無盡。

(1) 所求普，要勤求一切如來等所證故。

(2) 所化普，遍周法界，無邊無盡，皆化盡故。

(3) 斷障普，一念瞋心，百萬障門，一斷一切斷，塵勞悉斷。

(4) 事行普，無邊行海，無不行故。

(5) 理行普，隨所修行，深入無際，徹理原故。

(6) 無礙行普，事理二行，相交徹故。

(7) 融通行普，隨一一行，攝一切故。

(8) 所超大用普，無有一用，不周遍故。

(9) 所行處普，上之八門，遍帝網剎而修行故。

(10) 修行時普，窮三際時，念念圓融，無竟期故。

8. 上之十普，參而不雜，涉入重重。故善財入於普賢毛孔，一毛孔功德即不可盡。

# 善財童子參學報告(三)

## 序分—上

### 壹、總顯已聞

如是我聞

- 1．如是一部經義，我昔親從佛聞。
- 2．佛法大海，信為能入，智為能度。
- 3．真不違俗，名之為如。俗順於真，稱之為是。真俗無二，故稱如是。
- 4．如即真空，是即妙有。真非有外，故空而非斷。俗非空外，故有而非常。
- 5．中論云，諸佛依二諦，為眾生說法。

### 貳、標主時處

一時，佛，在室羅筏城，逝多林給孤獨園，大莊嚴重閣。

- 1．一時——時成就。



2. 佛——主成就。

3. 在室羅筏城至莊嚴重閣——處所成就。

(1) 室羅筏，梵語。此云聞物，此城中多出賢智博達名聞之人物。

(2) 逝多林給孤獨園，即阿彌陀經中所說之祇樹給孤獨園。

(3) 大莊嚴重閣，說法處。約所表，所證法界體無不周，故稱為大。德無不備，名曰莊嚴。依體起用，二智重成，故名樓閣。

## 參、輔翼圓滿——即眾成就

1. 集意：

- (1) 為影響為主伴故。
- (2) 為輔翼常隨從故。
- (3) 為守護佛世尊故。
- (4) 為莊嚴菩提場故。
- (5) 為供養佛菩薩故。
- (6) 為發起此法門故。
- (7) 為聞法獲勝益故。
- (8) 為表法顯深理故。
- (9) 為順證說不虛故。
- (10) 為翻顯法不共故。非唯證信，證信但是傳法意故。

## 2．集因：

- (1) 曾與如來同集善根。
- (2) 蒙佛四攝曾攝受故。
- (3) 往在生死聞圓法故。
- (4) 曾發大心護一切故。
- (5) 往昔大願願事佛故。
- (6) 隨逐如來無厭足故。
- (7) 樂聞正法心無倦故。
- (8) 善能散滅我慢心故。
- (9) 福智已淨身周遍故。
- (10) 同一性海善根生故。

## 3．辨類：

- (1) 影響眾。
- (2) 常隨眾。
- (3) 守護眾。
- (4) 嚴會眾。
- (5) 供養眾。
- (6) 發起眾。
- (7) 當機眾。
- (8) 表法眾。
- (9) 證法眾。
- (10) 顯法眾。

## 4．定數：

- (1) 稱法界眾，焉能數知。
- (2) 末會之眾，隨其善友多少不同，數類無量。
- (3) 本會之中，總有四眾：一菩薩眾，二聲聞眾，三世主眾，四新集眾。

## 5．權實：

(1)前十類眾，影響唯權，當機則實，餘通權實。

(2)影響有二：一果德，謂佛影響，則亦名為非權非實。二住極菩薩為影響者，即皆是權。

(3)亦可皆權，海印現故。

(4)亦可皆實，實德攝故。

(5)不動此會遍法界故，難思議也。

# 善財童子參學報告（四）

## 序分下

### 壹、釋菩薩眾

文分五：1．標類數。2．標上首。3．列別名。4．結數讚勝。5．歎其勝德。

一、與菩薩摩訶薩五千俱……普眼菩薩。

1．聖人無名，為物強名，得名千差，多依德行。皆有深義，以彰表法。

2．普賢、文殊為上首。

3．初十勝智以表十住，住名解故。

4．二有十幢表向，行德高出故。

5．三有十光表行，智光照行故。行向前卻者，行願相扶，無前後故。

6．四有十藏表地，生成住持故。

7．五有十一眼表等覺，親照寂故。

二、天冠菩薩……法界光明覺菩薩。

**共一百一人，別表十地十度。**

1．十冠，初地檀行，冠於諸地，萬行首故。位各十者，一地具足諸地德故，一度具十為莊嚴故。

2．十髻，表離垢地，持戒檢束，極尊高故。

3．十燄光，表發光地，發聞持光，照法忍故。

4．十聚，積集道品智慧聚故。

5．十聲，入俗化物，偏得聲名，經說三昧為雷聲故。

6．十出生，般若現前，生諸德故。

7．十吉祥，空中方便慧，有中殊勝行，為吉祥故。

8．十自在王，不動大願，具十自在故。

9．十音，善慧法師說力故。

10．十一覺，法雲受職入佛數故，智度覺法無所遺故。

國師云：欲顯差別，故為此配，非可局執。

三、歎其勝德——有十一句，初總即普賢行願。別有十句：

1．所行無礙，普遍一切諸佛剎故。

2．現身無量，親近一切諸如來故。

3．離諸蓋障，如淨月輪，普現一切佛神變故。

4．得現覺智，悉見諸佛所現自在神通境故。

5．得無量明，照一切佛大法教海智慧光故。

6．具無礙解，以清淨辯，於無量劫說佛功德無窮盡故。

7．住最勝智，猶如虛空，所行清淨無染著故。

8．無所依止，隨諸眾生心之所樂現色身故。

9. 離諸翳障，了知眾生我人壽者皆非有故。

10. 智慧普遍，猶如虛空，以大光網照法界故。

#### 四、清涼釋別分五對：

1. 窮依近正對：遍一切剎，方知無礙。近一切佛，始知多身。

2. 現通見用對：障蓋既離，方能現通。十眼圓明，始見如來無方大用。

3. 內照外演對：照佛法海，方得多明。具四無礙辯，始能長演。

4. 智淨色隨對：所行無著，始彰智淨。隨心能現，方顯無依。

5. 悲深智廣對：了眾生空，方離悲障。光網普照，始悟智周。

#### 貳·釋聲聞眾（略）

#### 參·釋世主眾

一、標數類——復與無量諸世主俱。

二、歎勝德——明自分，有八句：

1. 已曾供養無量諸佛。 福
2. 常勤利樂一切眾生。 悲
3. 與諸眾生為不請友。 無緣普應顯悲深故
4. 常勤守護無歸向者。 如於老病心偏重故
5. 不捨世間入殊勝智。 不捨顯非常，帶有觀空名方便智，依空涉有名殊勝行。不滯空有，度而無度，是入殊勝智。
6. 從諸佛教境界而生。 根本智，依如來教，從真境生，無生生故。後得智，亦從佛教生，二智既生，則生菩薩。無有二智，非菩薩故。
7. 護持如來所有正法。 正法即教理行果，邪徒亂正，教法毀壞，立身護持，此即權智。心冥至理，理法則全，此是實智。修行趣果，是護行果，則通權實。
8. 起大誓願不斷佛種。 下佛種子於眾生田。願盡生界化化不斷故。



**三、明得位——從行願力，生如來家。清涼有四說：**

1. 約菩提心家，初住發心，即名為生，生解家故。

2. 約聖教家，是第四住，名生貴住，從聖教而得生故。

3. 約理家，初地證如，為得生故。

4. 約無生忍家，八地以上，方為生故。

今約行願為因，生家為果。義通四種，正在後二。自分竟。

**四、歎勝進德——專求如來一切智智。專求二智，無餘趣向。**

## 善財童子參學報告（五）

### 本會一

#### 壹、大眾念請分

1. 時諸菩薩，及大聲聞，世間諸王，并其眷屬，咸作是念。如來境界，如來智行，如來三昧，如來所住，如來最勝。如來身。如來智。一切世間諸天及人，無能通達，無能遍知：。

唯除諸佛加被之力：。及自宿世善根之力，親近善友力，深淨信解力，廣大志樂力，趣向菩提清淨心力，求一切智廣大行願力。

具此內因外緣，深信大欲，勝願廣行，不揀凡聖，必得佛加，則能通達悟入。

2. 唯願世尊以方便力，隨順我等及諸眾生。種種心量、種種信解、種種智慧、種種言辭、種種名字、種種證得、種種地位、種種根清淨、種種意方便、種種心境界、種種依止如來功德。隨能聽受諸所說法。：惟垂大悲，普為開演。

## 貳、如來三昧分

1. 爾時世尊，知諸菩薩，一切大眾，心之所念。

2. 大悲為身，大悲為門，大悲為首，以大悲法而為方便。充滿虛空，遍周法界。

3. 入於師子頻申三昧。

法性寂然強名為定，寂而常照即名為慧。定慧均者名為平等。心智契合名一境性。非合非散，超情絕想，故云三昧。即用之體寂而造極，則差別萬殊，無非法界。即體之用不為而周，故大小相參，緣起無盡。是曰頻申自在之義也。

## 參、淨土現相分

1. 入三昧已，一切世間普皆嚴淨。

2. 由入定故，方能現相。精義入神，以致用故。寂然不動，無不通故。三昧即是法之體故。依體起用，用不離體。

3. 器界嚴有三：一樓閣，二園林，三空中。表三緣起，樓閣表自體緣起。林表有為緣起。空表無為緣起。為與無為既無障礙，即是自體。寄顯差別，三不相離。

4. 定契心體，不見內外。即事會真，破情顯法。自內而觀，同真性故，廣博無際。自外而觀，不壞相故。閣外有林，林外有空。三重寬狹，莊嚴各異。斯即事理交徹，十方三際，無不圓融。

5. 何以故？釋意云，如來之德不可思議。文有十句，一宿善根力。二無漏智力。三眾福威力及加持力。餘之七句，神通自在力。略舉十句以顯無盡，云何不能頓淨法界。

## 肆、遠集新眾分

1. 集意有三：

(1) 集彼同證，令此眾會皆仰慕故。

(2)顯三昧力，令諸菩薩來歸附故。

(3)令彼作用，以代如來現相答故。

2. 經文之中，佛名剎號及所表法，可以虛求。然皆人法依正因果事理，事事無礙法界自在德耳。

3. 文中皆言本事者，表三世法體常住故。由得體用非一異智，以用隨體無不存故。德相業用皆自在故。若理事別修，則不得爾。

4. 隨機調伏。未熟而化，熟而不化，皆曰失時。今感而遂通，故無失矣。

5. 眾生緣成，故云如幻，如幻不實故空，如幻不無故有。此二不二，即是中道。

6. 了幻無幻，方為見幻。幻法不無，方名為幻。故幻住自性不可思議。

7. 三界六趣，因業受生，猶如夢境，因思所起。隨因善惡，勝劣報生。

8．世間生起，皆想所持。世間無生，妄起生想。今明了達，依他非實，妄起想心。

9．國土依報，亦心想生。心變影像，故依想住。心淨土淨，心染土染。

10．具四無畏，能決定說。具四辯才，說稱物心。不壞相故求智地，不斷煩惱故入世間，證法界故流教海。

## 伍、舉失顯德分

1．諸佛化儀，事非一準。如賢護等曾謗不輕，於千劫中墮阿鼻獄。其罪畢已，還遇不輕，受其教化。

2．聞法除疑，自知作佛。令聞慶悟，修見聞種，皆是如來方便大用。或海印炳現。或大權應為。以顯法深，各有由矣。

3．理契則鄰，菩薩遠而不隔。心迷便阻，聲聞對如聾盲。

4．身遍剎塵，智入諸法。何不見聞，宿因現緣，並皆缺故。

5. 心意即迷，六根皆昧。耳不聞，心不信，智不知，眼不見，聞慧不能憶念，修慧不能觀察，思慧不能思惟，證智不能證入。由無智慧，安住自乘不進修故。

# 善財童子參學報告（六）

## 本會二

### 陸、偈頌讚德分

1. 說偈儀中，〈承佛威力〉，表無我慢，法有本故。〈觀察十方〉，示無偏心，欲普被故。亦可承佛威力，示無偏心，遍承十方一切佛故。普觀十方，亦無我慢，不謂大會傍無人故。

2. 歎菩薩便為讚佛。定智甚深，寂用無礙，無心普周。

3. 彼現不去，此現不來。不依於體，不著於相。斷分別根，為究竟離，故能普現。

4. 即體之用，故能普詣。即用之體，故不分身。由離有相故能不分，由離無相故能普詣。是自在也。



5. 法身報化，皆等真法界。世間唯假名，拂其言跡。既理智契合，性相一如。說有三身，隨俗說耳。

6. 經云：一切諸佛法，法界悉平等。言說故不同，此眾咸通達。

7. 丈六千尺，隨現萬殊。語其真體，量周法界。量與無量，皆是妄想。楞伽云：無心之心量，我說為心量。故遣之復遣之，以至於無遣。方顯寂默之義。

8. 心如虛空，不礙異見，菩薩隨眾生心，化而無染。

9. 依根本智生後得智，依後得智能生菩薩二乘等智。

10. 恩德，滿願照生。斷德，契理淨根。

11. 性離於言，亡言方契。本非心境，思何能知。無思之思，智體澄湛，生諸佛矣。從難思境生於諸佛，故應做習杜絕思議。

12. 淨者，寂無妄惑，故能離亂。念者，照能明記，故能離痴。

13. 由生倒惑，常處生死。處而不染，方能普救。

### 柒、普賢開發分

1. 諸佛大願海音，遍一切處，盡未來際，轉於法輪，無間成熟，相續不絕。

2. 諸佛出興，必隨眾生心業欲解根器成熟，如影現故。

### 捌、毫光示益分

1. 世尊從眉間白毫相中，放大光明，名普照現三世法界門。以不可說佛剎極微塵數光明而為眷屬，普照十方一切剎海。

2. 釋義分五：

(1) 佛以最勝甚深廣大意樂，正念思維，欲令眾會諸菩薩等，安住如來師子頻申大三昧，故放光明。

(2) 眉間表中道大白法界方發智故。

(3) 主光名從用立，事窮邊際，理徹真原，故稱普照。三世時也，法界通

事理。法界為門，則入三世，一味平等。

以三世門入於法界，則因果染淨，事相歷然，故互為門。

法界三昧，無二無別。能所入亡，為真入也。

(4) 智門無量，皆屬根本，同入法界。

(5) 智與理冥，無不周故。

3. 住寂靜諸菩薩地。四智已圓，法身已淨，此即如智契合為法身也。

4. 色身隨應，即體之用，詣而無著，觀而無住，教化成熟，是色身用。勇猛精進，總策諸行。

5. 令諸眾生大智慧，是說法意。具一切智，即法無礙智。分別法句，即詞無礙智。於法無著，即義無礙智。最勝智慧自在遊戲，即樂說無礙智。

6. 末後，荷恩興供文中，示法供養：

(1) 遍能開覺一切眾生咸令歡喜。

(2) 稱揚讚歎三世諸佛一切功德。

(3) 演說眾生諸業果報。

(4) 說諸菩薩所有一切廣大行願。

(5) 演說普賢菩薩之行。

(6) 顯示十方一切諸佛所轉法輪。

## 玖、文殊述德分

1. 文殊主智，故光後述德，放光本令證三昧用。智慧本為顯法界德。

2. 普賢以行顯理，文殊以解顯理。解行無二，方證入故。

3. 以文殊權實無二之智，解普賢體用無二之理。行此二無二，方顯如來頻申三昧果德體用。

## 拾、大用無涯分

1. 諸菩薩蒙佛三昧光明照故，一一皆得不可說佛剎極微塵數大悲門。攝受利益安樂眾生。

2. 普現一切諸眾生前，隨諸眾生身相言音，種種方便，教化調伏，令其成熟。

3. 往詣一切眾生住處，以平等大悲，平等大願，平等智慧，平等三昧，教化攝取而調伏之。隨諸眾生心之所樂，皆詣其所，令其獲益。

4. 菩薩為欲成熟眾生故，示現無量變化身雲。或現其身眷屬莊嚴，或現其身獨一無侶。

5. 或現沙門身，或現婆羅門身，或現異道出家身，或現苦行身，或現充盛身，或現醫王身，或現商主身，或現婬女身，或現伎樂身，或現毗沙門身，或現世主身，或現奉事諸天身，或現工巧技術身。

6. 現如是等諸變化身，往詣一切諸眾生所，隨其所應起如幻智，行菩薩行，演說諸法。

（本會竟）

# 善財童子參學報告(七)

## 末會簡介

### 壹、總顯會意

1. 謂從佛會流，遍周法界。演暢華嚴，令物遍悟。
2. 人皆法師，觸類皆法。萬籟之聲，皆法輪聲。
3. 剎土微塵，皆求法處。
4. 方能證入法界真原。故次來也

### 貳、定會名義

1. 言末會者，從佛本會而流出故，非微末也。
2. 前明不異末之本，雖卷而恆舒。此明不異本之末，雖舒而恆卷。本末無礙，同入法界。

3. 寄人歷位，故稱為漸。非於證中有漸頓也。

4. 前明不異漸之頓，故多門而眾人同契。此明不異頓之漸，故一人而歷位圓修。漸頓無礙，方真證也。

### 參、五相分別

1. 寄位修行相——高行
2. 會緣入實相——大行
3. 攝德成因相——勝行
4. 智照無二相——深行
5. 顯因廣大相——廣行

### 肆、圓攝始終

1. 寄法顯異，而布之前後。
2. 據實，一位一行，即攝一切。行位無盡。
3. 言差別者，乃即一之多。一多深淺，無有障礙。



## 伍、法界人類

1. 有二十類：(1)菩薩。(2)比丘。(3)比丘尼。(4)優婆塞。(5)優婆夷。(6)童男。(7)童女。(8)天男。(9)天女。(10)外道。(11)婆羅門。(12)長者。(13)先生。(14)醫人。(15)船師。(16)國王。(17)仙人。(18)佛母。(19)太子時妃。(20)諸類神眾。
2. 以上二十類，攝五十五友及剎塵善友。

## 陸、法界義相

1. 約果攝化，並是如來海印所現。
2. 約因成行，皆是菩薩隨力現形。
3. 約義顯法，並是緣起法界人法。
4. 約相辨異，不出菩薩五生所收：

(1)息苦生，如良醫等。

(2)隨類生，如外道等。

↓  
通即此四各具五生

(3) 勝生，如善見比丘等。

(4) 增上生，如大光王等。

(5) 最後生，如慈氏等。

## 柒、法界事義

1. 通有十門：(1) 正報法界。(2) 依報法界。(3) 現相。(4) 表義。(5) 言說。(6) 義理。(7) 業用。(8) 說往因。(9) 結自分。(10) 推勝進。

2. 以上十門，同一緣起，互融無礙。

## 捌、二位統收

1. 文殊、普賢二聖，即法門主，所表有三：

(1) 普賢表所信法界，文殊表能信淨心。要有所信，方成信心。若無能信，長流生死，能所契合，方為正信。

(2) 普賢表所起萬行，文殊表解理事。稱解起行，行如所說，目足相資，

方為真實之行解。

(3) 普賢即所證之理，文殊表能證之大智。理分體用，智有權實。若體用無礙，則權實雙行，智與理冥，心境一味，為真證故。

2. 故諸聖教，凡所施為，皆有深旨。

## 善財童子參學報告（八）

### ◎文殊師利菩薩十信章——1、比丘會

#### 一、經文（卷一130頁）

爾時文殊師利童子從善住樓閣出。與無量同行大菩薩眾，及諸金剛神、身眾神、足行神、主地神、主水神、主火神、主風神、主方神、主夜神、主晝神、主空神、主海神、主山神、主河神、主城神、諸大龍王、諸夜叉王、乾闥婆王、鳩槃荼王、迦樓羅王、阿修羅王、摩睺羅伽王、諸大天王、諸大梵王。及諸世主，前後圍繞。從自住處，來詣佛所。供養畢已，頂禮辭退，往於南方。

1. 疏云，悲智相依，即是閣義。悲住生死，不住涅槃。智住涅槃，不住生死。由俱不住，方能俱住，故名善住。從此利生，故稱為出。

2. 與無量同行以下，明其伴從。表般若導萬行故。初一同生，餘皆異生。並約通稱表法為名。

3．無住方能化生，自利方能利他。前依佛果法界所流，此依自證因門大用。

## 二、科意 向下經文通有三會：

1．比丘會，表迴小乘可入大故。

表信未久，尚不定故。

2．諸乘人會，通收諸權，皆入實故。

3．善財會，純一乘機，一生辦故。——善財信終，可證入故。

## 三、比丘會（卷一131頁）

1．經文：

時舍利弗即與眷屬六千比丘，往詣佛所。頂禮具白世尊，世尊聽許。往文殊師利童子所。如是等六千人，曾於過去供養諸佛，深種善根。於甚深法，悉能悟解。於佛教法，能正修行。常樂勤求諸佛功德。皆是文殊師利之所教化。

2．疏云，言六者，前之六信，可不退故。本自六根，性清淨故。

3．千表無盡，該果海故。

4. 經文有十勝：(1)身相勝，身儀攝益，令其根熟，起樂欲心。(2)常光勝。(3)放光勝。(4)眾會勝。(5)行路勝，常依八正，為八步平坦。住正道者，則不分邪正。(6)住處勝，舉足下足，無非道場，隨心迴轉，萬德莊嚴。(7)福德嚴，常觀空有一異等邊，心地之下有如來藏。恆沙性德為寶，無心忘照，任運寂知，則能顯現。(8)林樹勝，樹之萬行，則如來藏從其行流，嚴法身故。(9)自在勝，於我無我得不二解，自在主中為最尊故。(10)上攝勝，約事，心常上攝諸佛法故。約表，諸佛顯揚，皆依般若，究竟至於一切智故。

5. 遙聞勝德，已獲法門，親承法音，必成大利。

6. 如象王者，身首俱轉，無輕躁故。表全向機，無遺隱故。

7. 文殊開示諸比丘言有十句：(1)見諸如來以廣大心親近供養，心無疲厭。(2)積集成就一切善根究竟不退，心無疲厭。(3)勤求一切正法，心無疲厭。(4)

勤行一切菩薩殊勝諸波羅蜜，心無疲厭。(5)普遍修習一切菩薩甚深三昧，心無疲厭。(6)次第趣入三世流轉，一切諸法，心無疲厭。(7)莊嚴十方一切剎海悉令清淨，心無疲厭。(8)教化調伏一切眾生皆令成熟，心無疲厭。(9)於一切剎行菩薩行經一切劫，心無疲厭。(10)為欲成熟一切眾生故，修一切剎極微塵數波羅蜜門，成就圓滿如來十力。如是次第為一切眾生成就如來一切智力，心無疲厭。

8. 善男子善女人，成就深信，發此十種無疲厭心，則能長養一切善根，修行一切菩薩諸行，摧伏眾魔及諸外道，滅除一切煩惱習氣，入菩薩地，近如來地。

9. 時諸比丘聞此法已，即時同證廣大三昧，名見一切佛境界無礙眼。得此三昧，悉見十方一切諸佛如來。及其所有道場眾會，聞彼佛諸音聲海，演說種種名句文詞，訓釋性相祕密，悉能解了。

10．得此三昧力故，即時獲得十千真實菩提之心，成就十千甚深三昧，具足十千諸波羅蜜，圓滿十千智慧光明，發起十千自在神力。身心柔軟微妙，增長信樂，住菩提心，堅固不動。

11．文殊菩薩具足安住真實吉祥微妙功德，普賢勝行。勸諸比丘安住普賢勝行，入於甚深廣大願海，得心清淨，身清淨，得身輕利，廣大不退神通，普於十方一切世界諸如來所，悉現其身，具足成就一切佛法。



# 善財童子參學報告(九)

## ◎文殊師利菩薩十信章—2．諸乘人會

### 四、諸乘人會(卷一136頁)

1．文殊菩薩漸次南行，經歷城邑聚落，至福生城。於其城東，住莊嚴幢娑羅林中，往昔諸佛曾所止住，教化成熟一切眾生大塔廟處。亦是世尊毘盧遮那於往昔時行菩薩行，能捨無量難捨之處。是故此林名稱普聞無量佛刹。此處常為天龍人非人等恭敬供養。

2．時文殊菩薩坐師子座，說修多羅，名<sup>△</sup>普照法界圓滿光明<sup>▽</sup>。說此經時，有無量諸大龍王并其眷屬，聞此法已，於佛功德深生愛樂，於阿耨多羅三藐三菩提得不退轉。復有無量無數眾生於三乘中各得成熟。

3．疏云：

(1)福生城，其城居民多生福德，故名。

(2)城，表防非，即真法界。一切眾生自此出故。

(3) 東，為方首。啟明之初，表順福善。入道初故。又表福智，入位本故。

(4) 娑羅林，梵語此云高遠。當起萬行，莊嚴法身。能摧障蓋，故稱幢也。

(5) 大塔廟，梵云窣堵波，此云高顯。義曰歸宗之所。廟者貌也，世尊貌故。

(6) 文殊說經名普照者，顯所說法，智用宏舒。所照深廣，即真法界。此是正說入法界經。

# 善財童子參學報告(十)

## ◎文殊師利菩薩十信章—3、攝善財會

### 五、攝善財會(卷一137頁)

1. 總彰大意：如來垂跡，遇盡宿緣。海會塵沙，大器非少。善財偏舉，以警未悟。彼在童子，少而老成。勉乎行人，白首自媿。彼既能爾，我安自欺。今此童子，一生皆辦。化不在多，一便當終。行不在久，得意頓超。況久積淨因，何不速證。

2. 經云，爾時文殊師利童子，知福城人悉已來集。普遍觀察，隨其心樂。以大慈力，令得安隱，清涼快樂。以大悲力，起說法心，普遍成就。以大智力，令其開悟，滅除一切煩惱心垢。以無礙辯，將說甚深廣大佛法。

3. 復於是時，觀察善財，知此童子，已曾供養過去諸佛。深種善根，信解廣大，常樂親近諸善知識。身語意業，皆無過失。勇猛精進，淨菩薩道。求一切智，成佛法器。心行清淨，猶如虛空。

4. 文殊菩薩廣為善財演說一切佛法。所謂說一切佛(1)積集萬行法。(2)相續法。(3)次第深入法。(4)眾會清淨法。(5)法輪化導法。(6)色身相好清淨法。(7)法身普遍成就法。(8)無礙辯才法。(9)圓滿莊嚴法。(10)平等無二法。

5. 復以種種善巧方便，殷勤勸諭。令其開覺，增長勢力，生大歡喜，發阿耨多羅三藐三菩提心。又令善財憶念過去所種善根。復為福城一切人眾，隨其根欲，顯現神通。如所應度，廣為說法，然後而去。

6. 善財聞法，勤求愛樂，隨逐文殊，瞻戀不捨，一心歸向。正是所謂上根隨逐，同餐妙旨，獨穎眾流。重法隨師，陳偈求度。

7. 由迷心性而造諸業，染自陵他，生於驕慢。長流生死，皆由著我。於我所外境，深生愛染，愛著不出，戀著不離。

8. 執我我所而生三過。(1)於未得處而生諂誑。(2)於不可得處便生嫉忌。(3)於已得處便生慳吝。由三毒造業，豈有出期。

9. 一切佛法，皆依大悲。行願相扶，方能致遠。深信佛法，堅忍不動。

10. 淨戒嚴潔，三昧適神，法音警物。具此三法，稱為大乘。

11. 人有慚愧，方能導行。慚者自不作惡，愧者不令他作。

12. 三施圓滿，悅物如光。持戒破惡，令法身潔。內忍貪瞋，則外違順不能傷害。此之三度，成大財體及多眷屬。

13. 善守根門，六處常寂。進伏煩惱，定熟有情，慧成佛法。行若有願，無事不成。願行有智，迴轉普周。具此後三，正覺疾滿。

## 六、大聖重教(卷一 149 頁)

1. 爾時文殊師利菩薩，如象王迴，觀察善財，作如是言：善哉善哉，善男子，汝已能發阿耨多羅三藐三菩提心，復欲親近善知識，行菩薩行，問諸菩薩所行之道。

善男子親近供養諸善知識，是集一切智最初因緣。由樂親近善知識故，令一切智疾得成滿。是故於此勿生疲厭。

2. 善財白言：聖者，唯願慈悲廣為我說，我應云何學菩薩行，應云何修菩薩行。（二句總，下別）(1)應云何起菩薩行(2)應云何行菩薩行(3)應云何滿菩薩行(4)應云何淨菩薩行(5)應云何轉菩薩行(6)應云何深入菩薩行(7)應云何出生菩薩行(8)應云何觀察菩薩行(9)應云何增廣菩薩行(10)應云何成就菩薩行(11)應云何令普賢行速得圓滿。

3. 文殊答中，先教其求行，再教其近友。二處皆讚發菩提心。

(1)了性無取，即寂起悲，則眾魔為侍，不溺實際，故魔不能壞。

(2)為物發心，德不可量，故偏讚福。有智之福，映蔽餘福，為福威光。

(3)遍法性空，如列星宿，能生諸福，深廣如海。

(4)近佛聽法，立願淨障，入方便海，遍一切剎，經一切時。此五無疲，

則普賢行滿，得如來地。

4. 文殊告善財言，善男子，若有眾生能發阿耨多羅三藐三菩提心，是事為難。能發心已，復欲勤求行菩薩行，倍更為難。

汝今發心求菩薩道，為欲成就一切智智，應當勤求真善知識。

善男子，求善知識，勿生疲懈。見善知識，勿生厭足。於善知識所有教誨，當念隨順，不應違逆。於善知識善巧方便，但當恭敬，勿見過失。

5. 疏云，善知識者，識約明解，知約決了。未知善法，能令人知，未識惡法，能令人識。

6. 瑜伽四十四云，成就八支，為善友相。(1)戒。(2)聞。(3)證。(4)悲愍。(5)無畏。(6)堪忍。(7)無倦。(8)善語具。具上八義，可得名真。究竟善友，唯是如來。

7. 善友設有實過，尚忘非取法。至聖堯舜，其猶病諸。自除如來，孰能無過。以人廢道，翻是自欺。況權實多端，生熟難測。(文殊十信章竟)

# 善財童子參學報告(十一)

## ◎吉祥雲比丘初住章

### 一、大文第二 有十善友寄十住位。

1. 謂始入空界，慧住空性，得住不退，故名為位。
2. 以菩提心為體，直心偏增，名入空界。
3. 語其相也，與法界虛空界等。古德釋經四例：一隨相消文，二以教揀別，三本跡融會，四觀心虛求。得四一門，非數他寶。輕此一門，解脫逾遠。

### 二、依教趣求

1. 今吉祥雲寄發心位。謂緣佛十力，而發志求，起大悲心，下化含識，悲智相導，種智相應，名發心住。
2. 善財童子遵文殊菩薩教，南行為求善知識故，捐捨身命，無飢渴想，正念觀察，心安無退。



3. 經于七日竟不能見，過七日已，見彼比丘在別山上，徐步經行。白言：聖者，我已發無上大菩提心，而未知菩薩云何學菩薩行？云何修菩薩行？云何起菩薩行？云何行菩薩行？乃至云何於普賢行疾得圓滿？我聞聖者善能誘誨，唯願慈哀，為我宣說。

### 三、稱讚授法

1. 時吉祥雲告善財言：善哉！善哉！善男子，汝已能發無上大菩提心，復能請問行菩薩行，難中之難！

2. 所謂勤求菩薩道、菩薩境界、廣博淨行、出現神變，示現廣大諸解脫門、示現世間種種作業、隨順眾生種種心行、示現入出生死涅槃、於為無為心無所著、除斷種種煩惱微細過失。

3. 善男子，我得自在決了解力。  
信眼清淨，〈欲修念佛三昧，先當正信，信解相應，了見分明〉

智光照耀，〈欲入一行三昧，先聞般若，如說修行，然後能入〉

普眼明徹，〈以如為佛，以覺為佛，心境皆佛〉

具清淨行，〈心造真境曰行，即一行也〉

4. 慧眼遍觀一切境界，善巧方便，離一切障。此是內用。

5. 以清淨身，普詣十方一切國土，恭敬供養一切諸佛。以信解力，常念十方一切諸佛。以總持力，受持十方一切佛法。以智慧眼，常見十方一切諸佛。此是外用。

6. 隨其所見，一一方中，所有諸佛，種種色相、形貌、神通、受用、遊戲、眾會莊嚴道場。光明無邊照耀、宮殿莊嚴國界、壽量示有修短、隨諸眾生種種心樂、示現種種成正覺門。略顯所見事別。

7. 於大眾中，廣現神變，作師子吼，度脫眾生。

#### 四、謙己推勝

1. 善男子，我唯得此憶念一切諸佛平等境界無礙智慧普見法門。

先謙已知一。諸佛平等境界，即是所觀。義貫十方三世十身圓融，皆是所念。

2. 如諸菩薩摩訶薩無量智慧具足圓滿清淨行門，豈能了知所有邊際。

後推勝知多。法門無量，何以初友便教念佛。清涼說有十義：

(1) 念佛三昧，眾行先故。

(2) 十地菩薩皆念佛故。

(3) 三寶吉祥，經初說故。初此念佛，海雲說法，妙住依僧；為次第故。

餘見疏說。

3. 凡諸推勝，總有二意：

(1) 菩薩勝行無量無邊，我唯知一。

(2) 就一行中唯知少分，如一念佛即有多門，我但知一，餘不能知。

4. 下經別說二十一門。(略)隨其一一，入佛境界；隨一一境，智遊履故。前十門念佛勝德圓備，後十門念佛妙用自在。

5. 佛以法為身，清淨如虛空，無念念者，則念真如。是念法身。

6. 華藏世界海，法界無差別，依真而住，不依國土。是念性土。

7. 相外無性，性外無相，性相交徹，真佛真土。是念性相無礙。

8. 以性融相，相隨性融，令前諸門，合為一揆。故德德無盡，相相無窮，塵剎滿，猶如帝網，是念重重融攝。得此二門（7、8），前皆真實。經隨別說，義必該融。

9. 經云，住等虛空界念佛門。謂總該十身，十佛十身皆等虛空，並合法性，莊嚴法界虛空界，是則隨門說異。舉一圓收，如是方為華嚴念佛。

10. 諸佛正偏知海，從心想生。心即是佛，佛即是心，遠離一切，故無所念，方為真念。能念之心，所念佛境，非合非散，涉入重重，難思境也。

念佛一門，諸教欣讚，理致深遠，世多共行。故復略敘，無厭繁說。

**五、指示後友**（略）

**六、懋德禮辭**（略）

## 善財童子參學報告（十二）

### ◎海雲比丘二住章

#### 一、依教趣求

1. 海雲比丘治地住，謂常隨空心，淨治八萬四千法門，清淨潔白，練治心地，故名治地。

2. 善財聞善知識（吉祥雲比丘）教，一心正念。隨順智慧光明。通達甚深解脫。憶持自在三昧。敬奉清淨教海。觀察諸佛威德。欣樂諸佛住處。解了諸佛軌則。思念諸佛出現。趣入諸佛法界。安住諸佛境界。

3. 漸次南行，向海門國。疏云，表觀心海，為治心地深廣門故。海為法門，普眼法雲，深廣覆潤諸眾生故。表治地中觀察眾生，生起深廣大悲故。

#### 二、見敬咨問

1. 詣海雲比丘所，頂禮雙足，繞無數匝，於前合掌。

2. 白言：聖者，我已先發阿耨多羅三藐三菩提心。欲入甚深最上智海。

3. 未知菩薩云何能具菩薩行，長養菩提種。

云何能捨凡夫家，生於如來家。

云何能度生死海，入佛智慧海。

云何能離凡愚地，入佛最勝地。

云何能斷生死流，入佛淨行流。

云何能壞生死輪，成就大願輪。

云何能滅魔境界，顯示佛境界。

云何能竭愛欲海，增長大悲海。

云何能閉三途八難門，開人天涅槃門。

云何能出三有繫縛城，入種智解脫城。

云何能棄捨一切珍玩資具，饒益攝受一切眾生。

4．唯願慈哀，為我宣說。

### 三、稱讚授法

1．善男子，若諸眾生，未曾修種深固善根，則不能發阿耨多羅三藐三菩提心。

2．菩薩要得平等無礙善根。要得真實巧方便、正道、三昧、光明。要得積集功德，廣大福聚，要得增長白法。

3．要能供事真善知識，諮問法要無疲厭。要捨慳吝無所藏積，於身命財無愛著。要離憍慢，心無高下，安住不動。要恆觀察如來境界，欣求修習至究竟。要恆利益安樂一切諸眾生。如是乃能發菩提心。

4．發菩提心者：

- (1) 拔濟苦惱諸眾生故發大悲心；大悲甚深無能測故。
- (2) 平等福祐諸眾生故發大慈心；種種外道攝令正信。



(3) 除滅眾生諸苦蘊故發安樂心；始於世樂，種種與故。

(4) 為息眾生不善心故發饒益心；惡行眾生令住善行。

(5) 救護怖畏諸眾生故發哀愍心；悉包納故。

(6) 捨離執著障礙法故，發無著心。

(7) 普遍法界諸佛剎故，發廣大心。

(8) 等虛空界無不往故，發無邊心。

(9) 見一切佛妙色身故，發無垢心。

(10) 觀三世法智無盡故，發清淨心。

(11) 普入一切智智海故，發大智心。

發如是等種種心故，是名菩薩發菩提心。

5. 見佛一段文中，所有莊嚴，皆從如來過去積集出世廣大善根所生。令諸菩薩信願成滿。如來相好具足。

6. 憶念彼佛往修本行，菩提自在，法雷震吼，普門示現，種種莊嚴不可思議，普遍饒益咸令成熟。

7. 善男子，我從彼佛得聞於此普眼法門，受持讀誦憶念思惟。開演顯示增廣。諸眾生等，為聽法故，而來我所，我悉為其次第開演，分別解說，咸令歡喜，心生愛樂，深信趣入，悟解成就。

8. 普眼者，略有五義：(1)詮普法。(2)普詮諸法。(3)得此法者，一法之中見一切故。(4)唯是十眼之所見故。(5)非唯十眼圓明方見，能所不異，方能見故。

9. 是義云何？謂諸緣發見，緣各為根。因沒果中，緣皆號眼。故全色為眼，恆見色而非緣，全眼為色，恆稱見而非我。非我離於情識，非緣遠於尋求。收萬象於目前，全十方於眼際。是以緣義無盡，雖見見而不窮。物性

叵思，應法法而難準。故法普即眼普，義通乃見通。體之而寂寂，照之乃重重。斯眼所見，為普眼法門。

10．普眼之用，謂無行不開，無境不照，無德不具，無用不周，故為普耳。

#### 四、謙已推勝

1．善男子，我唯知此普眼法門。如諸菩薩摩訶薩深入一切菩薩行海，隨其願力皆清淨故。深入一切廣大願海，盡一切劫住世間故。深入一切諸眾生海，隨其心行普饒益故。深入一切眾生心海，出生無礙十力智故。深入一切眾生根海，隨時調伏令成熟故。深入一切同異剎海，為滿本願悉嚴淨故。深入一切無盡佛海，常願承事興供養故。深入一切正覺法海，能以智慧咸悟入故。深入一切佛功德海，於真實道具足修故。深入一切諸言辭海，遍一切剎轉法輪故。而我云何能知能說彼功德行。

2．善男子，從此南行六十由旬。楞伽道邊，有一聚落，名為海岸。彼有比丘，名曰妙住。汝詣彼問，菩薩云何令菩薩行速得清淨。



# 善財童子參學報告 功德主名錄

委印文號：101410

一一、○○○元：「林淑瑛、賴朱岡市、賴俊哲、黃素齡、往生者吳澄岩、往生者吳碧霞、往生者吳博容、

往生者林元全、往生者林卓玉蘭、往生者賴文慶、往生者黃文華、往生者黃江梅及吳氏、

林氏、賴氏、黃氏歷代祖先暨其冤親債主。」。

以上共計新台幣：一一、○○○元，恭印一、○○○本。

回向：天下和順，日月清明，風雨以時，災厲不起，國豐民安，兵戈無用，

崇德興仁，務修禮讓，國無盜賊，無有冤枉，強不凌弱，各得其所。

祝願法界一切有情，所有六道四生，宿世冤親，現世業債，咸憑法力，悉得解脫。


祝願現生者增福延壽，發菩提心，常隨佛學，勤修精進，利濟群生。

祝願已故者往生淨土，同出苦輪，共登覺岸。

附記：本會接受善信委託，代印經書、佛像，其必要之費用，均經本會審慎評估；若有結餘，均續作本會之印（購）經書及運費，為施主廣積陰德，歡迎十方大德善加利用。

普為出資及讀誦受持  
輾轉流通者回向偈曰

願以此功德  
消除宿現業  
增長諸福慧  
圓成勝善根  
所有刀兵劫  
及與饑饉等  
悉皆盡滅除  
人各習禮讓  
讀誦受持人  
輾轉流通者  
現眷咸安樂  
先亡獲超昇  
風雨常調順  
人民悉康寧  
法界諸含識  
同證無上道



佛曆二五五六年／西元二〇一二年九月

## 善財童子參學報告

發行人：林國營

出版者：財團法人佛陀教育基金會

地址：100 台北市杭州南路一段五十五號十二樓

網址：<http://www.budaedu.org>

E-mail：[budaedu@budaedu.org](mailto:budaedu@budaedu.org)

電話：(〇二)三九五一一一九八

傳真：(〇二)二三九一—三四一五

劃撥戶名：財團法人佛陀教育基金會

郵局劃撥帳號：〇七六九九七九

銀行名稱：台北富邦銀行東門分行（請於電匯或轉帳後告知本會用途）

銀行帳號：五八〇二一〇一一九三三三三

本會經書免費結緣之請取方式如下：

(一)親臨本會三樓講堂。(二)利用傳真：(02) 23965959

(三)撥打電話：(02) 23951198 分機：11、12

(四)網址：<http://www.budaedu.org/books/>。(五)寫信指定：本會法寶流通股。

為提高服務效率，請您嚴謹考量，慎選所需經書；儘量少用電話，多利用文字方式請取，並請詳寫經書名稱、冊數及收件人姓名、地址、電話、郵遞區號，以減少本會之處理時間；若大量申請，請註明用途，且避免姓名、地址等文字上書寫之錯誤。

◎本會經書，歡迎翻印（請勿增刪），贈送流通，功德無量。

◎本會交通：

※捷運：善導寺站5號出口，至杭州南路右轉，過兩個紅綠燈。

※公車站牌：審計部站→212、299、232、205、276、605、257、262

台北商業技術學院→253、297、237

仁愛路二段→222、297

開南商工→208、295、297、15、22、671

行政院新聞局出版事業登記證局版臺業字第三八六九號

恭印：一〇〇〇本

流水號：10706  
書號：CH343-03



